



Seizcou Hoh Sou Lai

金秋时节庆丰收



9 nyied 23 hauh dwg daihhaj aen ciet fungsou nungzminz Cungguk. Coufaen, dauqcawq haeuxliengz ndaej sou lai, gvegve makmak homfwdfwd, gak dieg gih raeuz foenfoen guh lai buek hozdung hoh sou lai, vunzlai gak minzcuz doxcomz giz ndeu, angqhoh haeuxliengz sou lai, nienzingz ndei.



▲Gak minzcuz beixnuengx yien fwngz diuq fouxfaxsoux.

Bonjbauq siusik (gicej Vangz Yinz/黄云) Haeuxnaengj haj saek、byaseng、ceizgo-ngaih、maenzgat、makbwzyanghgoj、makhojlungzgoj daengj baijlele, aeu bae daih hek, beixnuengx gak minzcuz doxcaez eu fwen, doxdax ndaem naz, dwk bya daengj, neix dwg yienhciengz 9 nyied 23 hauh Vujmingz Gih guh hozdung hoh bi 2022 aen ciet fungsou nungzminz Cungguk caeuq “hoh sou lai coux hoih hoengh”. Vujmingz guh hozdung neix le, engq giendingh simnduj “hawj nungzminz vuenyungz、lajmbanj saenqhwngh” guh hong “sam nungz”, caez doidoengh nungzyez miz daegsaek yienhdaih Vujmingz caiq hwnj mbaeklae moq.



▲Beixnuengx Vujmingz Gih langh-baij huqdoj miz daegsaek dieg de.

“Dangj caeuq Mulauj caen youh caen, couh lumj bya caen gyaenz raemx lai……” 9 nyied 23 hauh daengz 24 hauh, Lozcwngz Mulajcuz Swciyen Dunghmwngz Cin Mbanj-dwzyinh guh hozdung “angqcoux Ngeihcib Daih” hoh ciet fungsou. Yienhciengz miz aen hoih gai huqdoj、hawcaeux hawhaemh、majlahsungh doxdax、vwnzyi biujyienj daengj, vunz lai vunz daih, nauhyied raeuh.

(Cinz Lungzboh/覃龙波)



▲Geij boux mehmbwk Dasing Yen cingq daem ceiz.

◀ 9 nyied 24 hauh, Dasing Yen Dauzcwngz Cin Mbanjdwliz guh vwnzva minzsug hozdung “coux gozging hoh sou lai”. Vunzlai daem ceiz、eu fwen、diuq foux daengj angq-hoh haeuxliengz rim cang、angq-coux Ngeihcib Daih Aendangj. (Vangz Dwz-minz/黄德民)



▲Vunzmbanj youq haenz naz doiq fwen Mulauj.

Aen Doxdax Guh Ndangdaenj Minzcuz “Buh Gyaеundeі · Namzningz Giengh” Hainduj

“锦绣云裳·美丽南宁”民族服饰设计大赛启动

Bonjbauq siusik (gicej Veiz Yingjcin/韦颖琛) 9 nyied 23 hauh, gicej daj aen hoih fatbous sinhvwnz rox, 2022 nienz Aen Doxdax Guh Ndangdaenj Minzcuz “Buh gyaеundeі · Namzningz Giengh” cingqsik hainduj. Baez doxdax neix goenghai cwngcomz gij ndangdaenj miz daegsaek

minzcuz Guengjsae youq mwh youqgaenj roxaeuz guh yizsiz daenj haenx, lumj buhlaex cwngvu、buhlaex vaigyauh、buhlaex guhlaeuj daengj, cienz dajciengj gungh miz 7.5 fanh maenz. Mbat doxdax neix dwg vihle haivat、fatyiengz、ciepciengz caeuq cauhamoq hwnghat gij vwnzva ndangdaenj minzcuz

gih raeuz, giendingh vwnzva gagsaeng, coicaenh gak minzcuz doxgyau doxhag, couqmaenh gij eiqsik caezcaemh Cunghvaz Minzcuz. Doxdax daj 2022 nienz 9 nyied guh daengz 2023 nienz 2 nyied. Byawz siengj camgya couh bae Aen Vangj Namzningz Si Vwnzva Guengjdienh Caeuq Lijyouz Giz (<http://wgl.nanning.gov.cn/>) yawjyawj.